

## **Tiga universiti tempatan naik ranking**

Kedudukan tiga universiti utama Malaysia terus meningkat dalam ranking dunia dengan Universiti Malaya (UM) berjaya menempatkan diri dalam kelompok 150 terbaik pada kedudukan ke-146, menurut kajian QS World University Rankings 2015/2016.

Kedudukan UM itu meningkat daripada kedudukan 151 pada tahun lalu dan 167 pada 2013.

Universiti tertua Malaysia itu turut menerima penarafan penuh lima bintang dalam sistem penarafan QS Stars.

Sistem penarafan bintang membolehkan pelajar mendapat gambaran lebih luas tentang kualiti institusi, kebolehgajian graduan, kemudahan sukan dan hubungan komuniti.

Universiti Sains Malaysia (USM) di kedudukan 289, sementara Universiti Putra Malaysia (UPM), 331. - BERNAMA